

弘化

· 佛教入门小丛书

第十三辑

劝发菩提心文讲义录要

省庵大师◎撰文

谛闲法师◎讲述

范古农居士◎录要

此文是祖师所作。虽非经非律非论，而经律论三藏无不摄在其中。劝发佛果之因心，为显法身续慧命之关键。实可当作经读，当作律看，当作论研究。故今讲此文，即当作讲经讲律讲论也。

弘化社



普为助印及读诵受持辗转
流通各佛经者回向偈

愿以此功德
消除诸业
增长福慧
圆成善根
所有刀兵劫
及与饥馑等
悉皆尽灭除
人各习礼让
一切助印者
辗转流通者
现眷咸安乐
先亡获超升
风雨常调顺
人民悉康宁
法界诸含识
同证无上道

书名：弘化佛教入门小丛书第十三辑之

劝发菩提心文讲义录要

藏版：弘化社

地址：苏州市人民路穿心街3号

电话：0512-67531743

邮编：215000

网址：www.honghuashe.com

申请单位：江苏省佛教协会

准印号：苏出准印JSE-0005765号

功德芳名：

3000 法界众生 2000 崔一萍

1000 法界众生 黄婉冰

500 陈绿漪 108 刘女士

100 法界众生 尚晓芳

70 刘佳 50 付海建 叶向程

20 许志伟

以上功德芳名，若有错记、漏记，敬请见谅
总计：26000元，余款用于支付本社法物流通邮费等

敬请常念

南无阿弥陀佛 求生西方

南无观世音菩萨 消灾增福

莲宗十一祖（杭州梵天实贤大师）颂

深入经藏难亲证，彻悟心源力弘净。
欲使世人知所以，作文作诗示佛令。
发菩提心为前导，真信愿行为后劲。
若能具此殊胜法，即生超凡而入圣。

——印光法师 撰

省庵大师略传

师讳实贤，字思齐，号省庵，常熟时氏子。世儒业，幼出家，严习毗尼。寻入讲筵，明性相之学，参念佛者是谁话。四阅月，忽然开悟，曰，我梦觉矣。自是机锋迅利，才辩纵横。昼览藏经，晚持佛号，燃指于阿育王山佛前。发四十八大愿，感舍利放光。作劝发菩提心文，激励四众，诵者多为涕下。于雍正十二年四月十四日面西寂然，送者麇至。忽开目曰，吾去即来，生死事大，各自净心念佛可矣。合掌连称佛名而逝。赞曰。

悲心广大，菩提心文。四十八愿，愿力宏深。

行解真实，瑞应超伦。莲宗一脉，赖以常存。

与茅静远居士书

省庵大师

前三月下旬，返自四明，过访居士。适遇公出，怅然而去，寻归回龙。兹又一月余矣，因数子相劝，欲讲法华，特到杭请经，因得致书于足下。

居士造桥事毕，可谓莫大之功。然居士之心，好善无倦，一善甫完，复作一善。美则美矣，其如生死大事何。苟不以生死大事为急，而孳孳为善，所作善事如须弥山，皆生死业缘，有何了日。善事弥多，生死弥广，一念爱心，万劫缠缚，可不惧耶。

居士世间公案，久已参透。西方净业，久已修习。然而生死心不切，家缘撇不下，人情谢不去，念佛心不专，何也。将名根不断耶，抑爱念牵缠耶。于此二者，宜加审察。苟不把家缘世事一刀斩断，六字洪名尽力提起，欲望娑婆之脱，安养之生，难矣。不生安养而欲脱生死，不脱生死而欲免堕落，抑又难矣。纵一生两生不失人身，济得甚么事。

嗟乎。居士慧心如此明利，家缘如此丰足，继嗣如此贤能，事事适意，尚不能放下万缘，一心念佛。为天负人耶，为人负天耶。不以念佛为急，而以世间小善为急。不



以生死大事为先，而以人天福报为先。是不知先后也。居士虽不求福，而常作福，虽欲出生死，而反入生死。皆由不知所缓在彼，所急在此，致使北辕适越，却步求前也。

居士今日要务，惟当谢绝人事，一心念佛，加以斋戒二字，尤为尽美。大抵西方佛国，非悠悠散善所能致。万劫生死，非因循怠惰所能脱。无常迅速，旦暮即至，安得不为之早办耶。衲所知识者甚寡。知识之中，求可以语此事者尤寡。舍居士一人，而深以期望者谁哉。倘不以人废言，幸加努力。若曰，吾不能也，则亦无可奈何矣。

【谨按】修净土者，非不需作诸功德事，惟当以无所住心，随缘而为之耳。若不专心念佛，而惟孳孳专以世间小善为急，人天福报为先，是大不可。

序

重印劝发菩提心文讲义录要序

夫菩提心，为大乘诸法之纲。华严首示其要，龙树诸贤复作论以畅其义。学者岂可刹那怠忽之哉。惟经言玄微，论文古奥，都非易入，每有望洋兴叹之感。

清代初叶，净宗十一祖省庵公，于四明育王礼塔，感舍利放光，因撰劝发斯心之文。合世出世法，深入显出，撮要行简，字字血泪，堪以时习矣。然佛法教相，仍非初机能明。

迨民国天台承教嫡嗣谛老大师出，读而识其精曰，此文非经非律非论，而经律论无不尽摄。爰作讲义以宣之，其规全用注经之式。首开五重玄义，次以序与正宗流通三分圆结，可谓崇之极尊之备也。亦可为火桐而遇伯喈，俞琴而逢钟期矣。是不独有助于斯文，且能使学者三根普被，读之如中流风帆，瞬息千里，快何如之。忆及印祖曾推蕩益九祖所著之弥陀要解云，虽古佛再世，不逾是耳。予亦赞谛师撰斯讲义，堪与要解抗衡，等于南极北斗，双耀乎中天也。



昔大陆缙素，多能诵维。政府狩台以后，则罕见焉。予莅台学讲诸经，三十年后，及于华严。有莲友黄月兰，赖道慧二氏，尝读谛师斯撰，深感衷曲。询曰，盍不宏斯文耶。曰，须待时机。又曰，我辈拟同出资，请先印此流通，俾众暇日参考，不亦善乎。姑应之，虑无善本。逾岁，得香港铅印者，字虽略大，犹不免鲁鱼亥豕，未敢率尔依之。继再搜索他种，烦简生辉雄校勘，字行纸叶，俱易旧型，旷废时日，致迟迟也。

於戏。时有兴替，事有因缘。今非末法时期乎，不曰有教无行乎。果能手各一册，读斯文，信斯言，发心受持，而时不曰末法，教不曰无行。是福慧在己，解脱由心已也。曩曾允为作序，兹践约，随喜助劝。

中华民国岁次庚申仲秋稷门李炳南谨识

倓虚法师序

古人有三不朽，一曰立德，次曰立功，三曰立言。然则世之立德者，未必立言立功。立功者，未必立德立言。而立言者，亦未必立功立德。唯我大师兼而有之。夫乘戒俱急，止观圆融，勤苦自处，慈悯待人，立德也。兴建伽蓝，树立学社，培植后进，卫教弘法，立功也。法嗣天台，行修净土，疏经流布，昭示因果，立言也。诚以大师乃智者嫡传，

灵峰嗣向，法门龙象，近世耆德。曩年弘化南北，海宇钦崇。凡当时知名之士，莫不以归依座下为荣。素以住持正法，净化人间为己任。

宣统二年，尝首创南京僧师范学校，开中国僧教育之新纪元。晚年，驻锡宁波观宗寺，本其弘教利生，淑世救民之悲愿，阐扬圆顿教观，兼修念佛法门。并创设弘法研究社，作育僧材。一时法事兴腾，人才蔚起。如仁山，常惺，宝静，静修，显荫，显慈，妙真，妙柔，根慧，授松，道根等诸尊宿，皆社内学员。俟后分在各地，振锡竖拂，演教弘宗。繇是不特中兴天台一宗，而中国佛教之坠绪，实赖以重纆。

大师傅通三藏，兼谙世典，于无生中现生，于无灭中示灭。其住世时，恒以三业说法。盖举无踰范，止必中节，有威可敬，有仪可法，是身业说法也。三昧辩才，乐说无碍，曲引众生，离苦得乐，是口业说法也。妙义内蕴，辉光外现，彻法底源，应万物而无穷，是意业说法也。然虽曲逗凡情，应机施教，而犹恐根器不一，摄机未普，故又权作注疏，俾令易入。所撰各种，或单行流通，或见诸报章。时日不居，深恐散佚。

俟虚忝列门墙，获受法乳。思欲续佛心灯，传师慧业，从事结集遗著，共搜得一百余万言。就中斟酌去取，编订校勘，列为四编。计第一编经释共四册，有普门品讲义，普





贤行愿品辑要疏，普贤十大愿王别释，圆觉经讲义附亲闻记，观经疏钞演义，大佛顶首楞严经序指味疏。第二编观释共两册，全部印大乘止观述记。第三编论释全一册，有念佛三昧宝王论义疏，教观纲宗讲录，始终心要解略钞，省庵劝发菩提心文讲义录要。第四编忏释共三册，有梁皇忏随闻录，水忏申义疏。

以上所列，共装十巨册。然以卷帙繁重，流通不便。为欲适应读者方便起见，将所搜各种，分订散装单行本，由华南学佛院次第印行。是大师色相虽邈，法身永存。不仅立言之旨不朽，而亦功垂后世，德泽流长，使后之仰慕大师者，得有所矜式矣。

佛历二九七九年农历辛卯八月中秋节日
倓虚叙于香港新界荃湾弘法精舍华南学佛院



序 1

重印劝发菩提心文讲义录要序..... 1

倭虚法师序..... 2

劝发菩提心文 1

劝发菩提心文讲义录要 10

释题..... 10

甲一 释文题..... 10

乙一 文之由来..... 10

乙二 文之价值..... 10

乙三 文题之分释..... 11

乙四 通别能所..... 11

乙五 五玄略释..... 11

丙一 释名..... 11

丙二 显体..... 13

丙三 明宗..... 13

丙四 论用..... 13

丙五 教相..... 13

甲二 释人题..... 14

释文..... 14

甲一 绪论——序分..... 15

乙一 总标心愿为修行之先容..... 15



乙二	别辨心愿为立行之标准.....	19
甲二	本论——正宗分.....	21
乙一	总标发心因缘.....	21
乙二	别释发心正义.....	26
丙一	念佛重恩.....	26
丙二	念父母恩.....	27
丙三	念师长恩.....	30
丙四	念施主恩.....	30
丙五	念众生恩.....	31
丙六	念生死苦.....	33
丁一	地狱苦.....	33
丁二	畜生苦.....	34
丁三	生死苦.....	35
丙七	尊重己灵.....	36
丙八	忏悔业障.....	38
丙九	求生净土.....	40
丙十	令正法久住.....	42
丁一	痛念正法难遇.....	42
丁二	正明必须发心.....	43
甲三	结论——流通分.....	44
乙一	躬自反省.....	44
乙二	普劝大众.....	45
乙三	苦乐相校.....	46
乙四	至再叮咛.....	46

劝发菩提心文

不肖愚下凡夫僧实贤，泣血稽颡，哀告现前大众，及当世净信男女等，惟愿慈悲，少加听察。尝闻入道要门，发心为首。修行急务，立愿居先。愿立，则众生可度。心发，则佛道堪成。苟不发广大心，立坚固愿，则纵经尘劫，依然还在轮回。虽有修行，总是徒劳辛苦。故华严经云，忘失菩提心，修诸善法，是名魔业。忘失尚尔，况未发乎。故知欲学如来乘，必先具发菩萨愿，不可缓也。

然心愿差别，其相乃多。若不指陈，如何趋向。今为大众略而言之。相有其八，所谓邪正真伪大小偏圆是也。云何名为邪正真伪大小偏圆耶。世有行人，一向修行，不究自心，但知外务。或求利养，或好名闻，或贪现世欲乐，或望未来果报。如是发心，名之为邪。既不求利养名闻，又不贪欲乐果报，唯为生死，为菩提。如是发心，名之为正。念念上求佛道，心心下化众生。闻佛道长远，不生退怯。观众生难度，不生厌倦。如登万仞之山，必穷其顶。如上九层之塔，必造其颠。如是发心，名之为真。有罪不忏，有过不除，内浊外清，始勤终怠。虽有好心，多为名利之所夹杂。虽有善法，复为罪业之所染污。如是发心，名



之为伪。众生界尽，我愿方尽。菩提道成，我愿方成。如是发心，名之为大。观三界如牢狱，视生死如怨家。但期自度，不欲度人。如是发心，名之为小。若于心外，见有众生，及以佛道，愿度愿成。功勋不忘，知见不泯。如是发心，名之为偏。若知自性是众生，故愿度脱。自性是佛道，故愿成就。不见一法，离心别有。以虚空之心，发虚空之愿，行虚空之行，证虚空之果，亦无虚空之相可得。如是发心，名之为圆。知此八种差别，则知审察。知审察，则知去取。知去取，则可发心。云何审察。谓我所发心，于此八中，为邪为正，为真为伪，为大为小，为偏为圆。云何去取。所谓去邪，去伪，去小，去偏，取正，取真，取大，取圆。如此发心，方得名为真正发菩提心也。

此菩提心，诸善中王。必有因缘，方得发起。今言因缘，略有十种。何等为十。一者念佛重恩故。二者念父母恩故。三者念师长恩故。四者念施主恩故。五者念众生恩故。六者念生死苦故。七者尊重己灵故。八者忏悔业障故。九者求生净土故。十者为念正法得久住故。

云何念佛重恩。谓我释迦如来最初发心，为我等故，行菩萨道，经无量劫，备受诸苦。我造业时，佛则哀怜，方便教化，而我愚痴，不知信受。我堕地狱，佛复悲痛，欲代我苦，而我业重，不能救拔。我生人道，佛以方便，令种善根。世世生生，随逐于我，心无暂舍。佛初出世，我尚沉沦，今



得人身，佛已灭度。何罪而生末法。何福而预出家。何障而不见金身。何幸而躬逢舍利。如是思惟，向使不种善根，何以得闻佛法。不闻佛法，焉知常受佛恩。此恩此德，丘山难喻。自非发广大心，行菩萨道，建立佛法，救度众生，纵使粉身碎骨，岂能酬答。是为发菩提心第一因缘也。

云何念父母恩。哀哀父母，生我劬劳。十月三年，怀胎乳哺，推干去湿，咽苦吐甘，才得成人。指望绍继门风，供奉祭祀。今我等既已出家，滥称释子，忝号沙门。甘旨不供，祭扫不给。生不能养其口体，死不能导其神灵。于世间则为大损，于出世又无实益。两途既失，重罪难逃。如是思惟，惟有百劫千生，常行佛道，十方三世，普度众生。则不惟一生父母，生生父母，俱蒙拔济。不惟一人父母，人人父母，尽可超升。是为发菩提心第二因缘也。

云何念师长恩。父母虽能生育我身，若无世间师长，则不知礼义。若无出世师长，则不解佛法。不知礼义，则同于异类。不解佛法，则何异俗人。今我等粗知礼义，略解佛法，袈裟被体，戒品沾身。此之重恩，从师长得。若求小果，仅能自利。今为上乘，普愿利人，则世出世间二种师长，俱蒙利益。是为发菩提心第三因缘也。

云何念施主恩。谓我等今者，日用所资，并非己有。二时粥饭，四季衣裳，疾病所需，身口所费，此皆出自他力，将为我用。彼则竭力躬耕，尚难糊口，我则安坐受食，犹

不称心。彼则纺织不已，犹自艰难，我则安服有余，宁知爱惜。彼则草门蓬户，扰攘终身，我则广宇闲庭，悠游卒岁。以彼劳而供我逸，于心安乎。将他利而润己身，于理顺乎。自非悲智双运，福慧二严，檀信沾恩，众生受赐，则粒米寸丝，酬偿有分，恶报难逃。是为发菩提心第四因缘也。

云何念众生恩。谓我与众生，从旷劫来，世世生生，互为父母，彼此有恩。今虽隔世昏迷，互不相识，以理推之，岂无报效。今之披毛带角，安知非昔为其子乎。今之蠕动蜎飞，安知不曾为我父乎。每见幼离父母，长而容貌都忘。何况宿世亲缘，今则张王难记。彼其号呼于地狱之下，宛转于饿鬼之中，苦痛谁知，饥虚安诉。我虽不见不闻，彼必求拯求济。非经不能陈此事，非佛不能道此言。彼邪见人，何足以知此。是故菩萨观于蝼蚁，皆是过去父母，未来诸佛，常思利益，念报其恩。是为发菩提心第五因缘也。

云何念生死苦。谓我与众生，从旷劫来，常在生死，未得解脱。人间天上，此界他方，出没万端，升沉片刻。俄焉而天，俄焉而人，俄焉而地狱，畜生，饿鬼。黑门朝出而暮还，铁窟暂离而又入。登刀山也，则举体无完肤。攀剑树也，则方寸皆割裂。热铁不除饥，吞之则肝肠尽烂。烱铜难疗渴，饮之则骨肉都糜。利锯解之，则断而复续。巧风吹之，则死已还生。猛火城中，忍听叫噪之惨。煎熬盘里，但闻苦痛之声。冰冻始凝，则状似青莲蕊结。血肉既裂，



则身如红藕华开。一夜死生，地下每经万遍。一朝苦痛，人间已过百年。频频狱卒疲劳，谁信阎翁教诫。受时知苦，虽悔恨以何追。脱已还忘，其作业也如故。鞭驴出血，谁知吾母之悲。牵豕就屠，焉识乃翁之痛。食其子而不知，文王尚尔。啖其亲而未识，凡类皆然。当年恩爱，今作怨家。昔日寇仇，今成骨肉。昔为母而今为妇，旧是翁而新作夫。宿命知之，则可羞可耻。天眼视之，则可笑可怜。粪秽丛中，十月包藏难过。脓血道里，一时倒下可怜。少也何知，东西莫辨。长而有识，贪欲便生。须臾而老病相寻，迅速而无常又至。风火交煎，神识于中溃乱。精血既竭，皮肉自外干枯。无一毛而不被针钻，有一窍而皆从刀割。龟之将烹，其脱壳也犹易。神之欲谢，其去体也倍难。心无常主，类商贾而处处奔驰。身无定形，似房屋而频频迁徙。大千尘点，难穷往返之身。四海波涛，孰计别离之泪。峨峨积骨，过彼崇山。莽莽横尸，多于大地。向使不闻佛语，此事谁见谁闻。未睹佛经，此理焉知焉觉。其或依前贪恋，仍旧痴迷。只恐万劫千生，一错百错。人身难得而易失，良时易往而难追。道路冥冥，别离长久。三途恶报，还自受之。痛不可言，谁当相代？兴言及此，能不寒心？是故宜应断生死流，出爱欲海，自他兼济，彼岸同登。旷劫殊勋，在此一举。是为发菩提心第六因缘也。

云何尊重己灵。谓我现前一心，直下与释迦如来无二